

ادبیات عمومی و تہذیبی

ہفتہ لقی سیاسی ، ادبی و علمی غزتہ در

جلد : ۱

سنہ : ۱۳ صفر ۱۳۳۵ جمعہ ابرتسی ۲۶ تشرین ثانی ۱۳۳۲ نومبر ۶

سیاسیات

برقانونک برملتى مدافعه سی

۲

فینلانڈیا ، حقوق تاریخہ سنک تاریخ تأسسی اولان ۱۸۰۹ دن اول اسوچک برقسیمیدی ، وگران دوقہ لقی اسمیہ بعض مختاریت علامتیرینہ رعماء ، بوتی کورفرینک دیگر ساحلندہ اولدینی کی ، ولایتلرہ منقسمیدی . برکون قوجہ پترو نہوانک منصبندہ پترسبورغی بناایدنجہ ، روس پاتختی فین حدودندہ بولوندی ؛ بو معادلہ جغرافیہ نیک ایکی چارہ حلی واردی : اودہ یافینک ، یا موسقوفک یا ایلریلہ میسی ، یا کریلہ مسیدی ! نہایت تاریخ ایشی حل ایدہ رک فینلری محزون ، روسلری ممنون ایتدی ؛ اون سکیزنجی عصر ایلہ اون دوقوزنجینک ابتداسندہ ایکی احتمال سیاسی صرہ ایلہ تحقق ایتشدی : اولاً ، فینلانڈیانک بعض پارچہ لری نیشداد و آبو معاہدہ لریلہ روسلرہ انتقال ایدیوردی : بونلرک مجموعی [ویبورغ ایالتی] بعنوانیلہ چارک دائرہ مظالمہ داخل اولدی . اون دوقوزنجی عصرده ایسہ ، برنجی آلکساندرلہ وکلاسی بوتون فینلانڈیای ایستیمکہ باشلادیلر ! ایکنجی قاترینک بوتون لهستانی تیک باشنہ بوتوق سیاستنی ، روسیہ بوسورتلہ فینلانڈیادہ تطبیق ایدہ بیلوردی . مملکتی آلمق ، مقابلندہ جریث داخلہ ویرمک نظریہ سی اون سکیزنجی عصرده تصور ، اون دوقوزنجی عصرده تطبیق ایدلش دیمکدی . بوچارہ نیک سایہ سندہ ، چارلق تاجنہ فینلانڈیا فضلہ برطاش ، آلکساندرده فینلرک وگران دوقہ سی اولدی ! وضعیت ، بردولت پارچہ سنک نیم الحاقی ، یاخود حقوق عمومیه وحق سلطنت اعتباریلہ یکی برحکومتک تأسیسی دیمکدی ؟ یوقسہ چارلہ فین دیہ تی آراسندہ طرفین ائتلافی ویاسادہ چارک برتعهد منفردیمیدی ؟ ہر حالده بچشمزدہ بو نقطہ لر تدقیقہ دکز .. مهم اولان ، مسائل خارجیلہ ایلہ حقوق سلطنتدن ماعدا ، قوانین سابقہ نیک بقاسیدی ! اسوچک بو جزء قدیمندہ ، شکل حکومتہ واتحاد ایلہ امنیت عمومیه دائر اولان اسکی مقاولہ ، یکی حالندہ جاریدی ؛ مملکتک بر حیات

عثمانیلرک اژدرهان سفری

صوقوللو محمد باشانک

بحر حزر - قره دکز قانالی تشبیهی

- ۱ -

صوقوللو ، سلطان سلیم ثانی زماننده دولتک ادارهسنی مستقلاً درعهدم ایلدیکی زمان ، ایکی مهم تشبیه بولونمق ایسته دی : بحر حزری قره دکز برلشدرمک ، سویش قانالی آچق .

صوقوللونک بویکی بویوک تشبیه اهمیت ویرمسی ، عثمانیلرک جهان سیاستی نقطه نظرندن پک مینمیدی . بحر حزرک قره دکزله برلشمه سی ایران و تورکستان ایله مواصله بی تأمین ایده جکدی . بو صورتله ایران سفرلری ایچون دون و وولغا نهرلری واسطه سیله ارزاق و جیخانه نقلی قولایلاشاجق ، دیگر جهتن تورکستان ایله عثمانلی دولتی بیننده مواصله تأمین ایدیه جکدی - خصوصیه اژدرهان جوارینک عثمانلی نفوذی آلتنده بولونماسی بو حوالیده کی اهل اسلامک ایفای حج ایللرینی تأمین ایده جکدی . صوقوللو ، بودینی مطالعه بی نظر اعتباره آلیه مجوردی : اژدرهان و قزان اوزمانه قدر ، کندی تعبیری وجه ایله ، « نوغای النده » ایدی ؛ شمدی موسقوف چاری مدھش ایوانک یدضبطنه کچمشدی . اژدرهان اسلام نمالکندن معدوددی . « زمان سابقده اهل اسلام سکناسی ، الی الآن جوامع شریفه سنک و جماعات و مدارسنک آثار مبناسی ظاهر و نمایان » (۱) ایدی . بویوک اسلام بلده سنک موسقوف استیلاسنه دوچار اولماسی آسیاده سلطنت سورن اسلام خانلرکده تاثیرلری موجب اولیوردی . فقط خانلرک قوت و قدرتلری موسقوفلره قطعی برضریه اوراجق درجه ده دکلدی .

بوتون تورک و اسلام عالمک حامیسی ، بوتون آسیا و اوروپانک الکذی قدرت واک عسکر ملتی عثمانلی تورکلری ایدی . بوسیدن سمرقند ، بخارا و خوارزم خانلری ، بو حوالیده کی اهل اسلامک وبالخاصه اژدرهانک خلاصنی عثمانیلردن رجا ایدیورلر ، سلطان سلیم ثانیکنک حمایه سنه ، صوقوللونک درایتنه التجا ایلورلردی . حتی بو مسئله یه دائر خوارزم خانی حاجی محمد خاندن برنامه کلش ، اژدرهانک نه صورتله موسقوف استیلاسنه معروض اولدینی شرح و ایضاح ایدلش ، عثمانیلرک یاردملری طلب اولونمشدی (۲) .

اسلام حکمدارلرک بوتشیلری صوقوللونک سیاسی دوشونجه لرینه پک موافقدی . بوسیه ایله اژدرهان طرفلرینه بر سفر اجرا ایتک ، کوندریلن عسکرک حمایه سی آلتده بحر حزر و قره دکز قانالی آچق قابل اولابیله جکدی . صوقوللو بو طرفلرک احواله ، دون و وولغا نهرلری بیننده کی مسافه یه دائر اهل وقوفدن معلومات آلدی ؛ فقط بونکده قناعت ایتدی . کندیسنه انتسابی اولان شق ثانی دفتر داری چرکس قاسم بکی کوندردی . قاسم بکک احوالی یه وقوفدن استفاده ایتدی ، کندیسنی کفه سنجاغنه تعیین ایلدی . دون و وولغا نهرلری بیننده کی مسافه بی تدقیق ایچون بر هیئت کوندردی ، ایکی نهر بینتی اولچدیردی ، « مابین نهرینک دریا میلی ایله التی میل ایدو کین » آکلادی . « بعون خدا بوامر مشکل وجوده کلوب حاصل اولور شه عسکر اسلام بجم سفر لرنده دخی ذخیره قلی چکمز لر والکاء شروان و قره باغ و عموما کورجستان رکاب هایون پادشاهیدن استیمان ایتامک احتمالی

(۱) پچوی ، جلد ۱ ، ص ۶۹

(۲) دیوان هایون مینمه دفتری .

اولی . بالضروری اطاعت و انقیادده یکدل و یکزبان « اوله جقلمیخیده نظر دقته آلدی . سلطان سلیم ثانی لساندن تاتار خانه کوندردیکن نامه ده شو صورتله اداره افکار ایدلای :

« استانه محمداقبال و سعادت مدار و عتبه مشیدالاجلال و عظمت دتارمنز که ملاذ خواقین ذوی الاقتدار و معاد خاقان عظیمه الاعتباردر . بناءً علی هذا سمرقند و بخارا جانبگردن خصوصاً جناب جلالت عنوان ولایت حرزم خانی حاجی محمد خاندن نامه مخالفت مشحون و مصادقت رهنمونلری وارد اولوب فحوای بلاغت مکتوبلرنده ولایت اژدرخان فتح اولنوب اول جانبگردن طواف بیت اہ الحرام و زیارت ثریه منوره حضرت سیدالانام علیہ افضل الصلوة والسلامه توجه و بیت ایلان حجاج ذوی الابتهاج و سایر تجار منافع نثاره یول اچلوب حضور بان و فراغ حاله مسرور و عبور اعمری خصوصی اشعار اولمش . امدی ولایت قزان و اژدر خان اولدن نوغای الینده ایدلی . حالا کفار خاکسار الله کیرمک ندن اولمشدر و ایچنده و اطرافنده قالان تاتار میرزالرندن کیم وارد و نه زماندن و نه سبيله الدن کتمشدر مفصل و مشروح معلوم اولوب اول ولایتک فتح اولسی اهم مهماتدن اولغین بنم داخی عنایت حضرت ملک القدر ايله اول جانبک فتح و تسخیری خصوصی خاطر فیض مظاهر پادشاهانده جایگیر اولمشدر . ايله اولسه سیرک داخی قدیمدن درگاه عظمت بارگاهمه اولان صداقت و اخلاصکز مقتضاسنجه و جبلتکزده مکنوز اولان فراست و کیاستکز مستدعاسنجه ولایت مزبوردهنک فتح و تسخیری خصوصنده مقید اولوب اول بابده نه وجه ايله حسن تدبیر و تدارک ايله ککز وجه مشروح اوزره علی وجه التفصیل اعلام ایلیمه سز که وقتی ايله تدارکی کوریلوب بعنایه اه تعالی فتح و تسخیری میسر اول . فی ۵ رمضان المبارک ۹۷۵ » .

تاتار خانلی ، صوقوللونک کوندردیکی نامه هایونندن پک ممنون اولدی . اژدر خانک تسخیری ایچون لازم کان تدبیرلری مفصلاً یازدی . صوقوللو بو معلومات اوزرینه « بر نیجه قلعه کوب طوپلر و ضربلر و چاپه و کورک و کولنک و سائر مهمات جنک » ی کاملاً حاضرلادی . قاسم بکی کفیه بکار بکی نصب ایدلی ، سابق کفه بکار بکیسی جعفر بکی طمشوار بکار بکیسی تعیین ایدلی . ایجاب ایدن مهماتی سریعاً کوندردی . صوقوللو تاتار خانه کوندردیکی نامه ده بو خصوصیلری مفصلاً آکلاتیوردی :

« تاتار خانه نامه هایون که


سده سعادت دستگاهمه مکتوبکز کوندروب بوندن اقدام قلعه اژدر خانک فتح اولنوب اول ولایتدن حجاج ذوی الابتهاجه یول آچلمق خصوصی مراد اولدوغی نامه هایونکزده اعلام اولماغین قلعه مزبوردهنک فتح و تسخیرینه متعلق اولان خصوصلر انہا اولنوب بوبابده سابق کفه سنجاغی بکی اولوب حالا طمشوار بکار بکیسی اولان جعفر دام اقبالیه امر شریف کوندردلده سیرک رای صایب و فکر ثاقبکز اوزره قلعه مزبوره مهمی ایچون لازم اولان خصوصلری دفتر ایدوب کوندرمکین اول دفتر موجبجه لوازم و مهمات نه ایسه تدارک اولنوب اکثری ارسال اولمشدر . کریکدر که نامه هایون وصول بولدقده قدیم الایامدن الی هذه الآن استان سعادت اشیانمه اولان وفور اخلاص و فرط اختصاصکز موجبجه قلعه مزبوره فتحه متعلق خصوصلره بذل مقدور و سعی مشکور قلوب سایر لوازم و مهمات داخی وقتی و موسمی ايله تدارک و احضار اولنوب عنایت حق و جل و علا ايله بای طریق کان فتح اولماسی باینده انواع جهد و اقدام وسیعی و اهتمامکز ظهوره کتوریلله . حجاج ذوی الابتهاجه یول اچلوب فراغ بالله کلالر وردوسیده اولان یغورجه خان ادملرندن بدر و بلعیش نام کسنه لر سده سعادتده اله کلوب جزایره سورلشدر . شویله

معلومکز اولاً ومن بعد وفور موالات و اخلاصکز مقتضای منجه اول طرفه متعلق اولان اخبار اخبارندن خالی اولمیه که موجب ازدیاد مصافات اولندوغنده اشتباه اولیه وردوسنده اولان قریم کرای خان جزیره دن خارج یره کتاماکیچون ردوس بکنه حکم شریف کوندرلشدر و مقدا جزایره سورولک فرمان اولونانلردن مرپور بلعیش اهل فساد اولغین اول جانبه کوندرلیوب کیرو سیزه ارسال اولمشدر . واردوقده وجه و مناسب کوردوککز اوزره حقندن کله سز . فی ۹۷۶ محرم .

صوقوللو محمد پاشا تاتار خانه بو نامه یی یوللادقین صوکرا ، اژدرخان سفینه کوندریله جک قوت ایچونده تدارکاتده بولوندی . قوه سفیره ، کفه بکیر بکیسی قاسم بکک قومانده سنده بولوناجق ؛ چرکس امراسنک کافه سی معینه التحاق ایده جکدی . تاتار عسکرینک باش بوغلغنه تاتار خانک کتخداسی نصب ایدلک موافق کورولشدی . کفه ساحنه قوتلی بر دونما کیده جکدی ؛ کفه دن ، « تات ایلندن وبالقلاغی و منکوب و تمان رعایاسندن کله ، چراخور اخراج » ایدیه جکدی .

صوکی کله جک نسخه ده

احمد رفیع



[۱۷ تشرین ثانی — ۲۳ تشرین ثانی ۱۳۳۲]

بو هفته نك شتون حربی پك دولغوندر . كچن نسخه مزده دیدیکمز کی ، شرق صحنه حربنده بتون بر ملتک مقدراتی و بالنتیجه حربه ختام و یره جک « ظفر نهائی » نك اولیاتی آتشنه و قانله یازیلیور . دشمنلر حزنه دیرلر سه دیسینلر ، کندیلری نه قدر معظم و منابع قوتلری نه قدر جهانشمول اولور سه اولسون ، ایکی بوجوق سنه لك حرب عمومیده ، اتفاق مربعك شو صوك هفته ظفری کی مالامال موفقیات بر هفته کوستره ضرر و یالکز شو مقایسه غالب و مغلوب طرفی فصاحت کافیه ایله آ کلامغه کافیدر . « ظفر نهائی نك اولیاتی » دیدک . صلحدن بحث ایدلکجه ، هر مات « ظفر نهائی یه قدر ، ظفر نهائی یه قدر ! » دییوردی . ایشته بعیدالوصول کی کورونن بوغایه آمال یه اتفاق مربع افقندن طوغمه باشلادی . و بز امیز ، بونك قطعیت مفادی ، ضیای قاهری قارشیسنده اك معند لسانلر ، اك نابینا کوزلر آز زمانده تسلیم حق و حقیقته مجبور اوله جقلردن وایشته اوآن مسعودده بوتون اقوامی صارصان صرعه جدال نهایت بولاچقدر .

صوك هفته نك شتون جدولی طولدوران وقایع عظیمه برتک جبهه حربده جریان ایتدی که اوده رومانیای جبهه حربیدر . غربده فرانسه - انگلیز جبهه سنده صوم ملجمه مدیده سی ، کچن نسخه مزده کی تخمینمز کی ، بوسبوتون فیصلیدر اولیور کی کورونیور . بو کونلرده صوم جبهه سنده نسبه اوافق تفك قیصه تعرضلردن ، آرا صیرا طویجی آتشدن باشقه بر شی اولمادی . وردون اوکنده سکونت